

Headlines

- श्रीनगर च अपनी किस्मा दे पैहले ठंडे पानी आहले मच्छी पालन खेतर बारे राष्ट्रीय सम्मेलन दा आयोजन कीता गया। केन्द्र मंत्री राजीव रंजन सिंह- उपराज्यपाल मनोज सिन्हा ते मुखमंत्री उमर अब्दुल्ला होर इस प्रदर्शनी च शामिल होए।
- मुखमंत्री उमर अब्दुल्ला होरें गलाया जे जलवायु दे बदलाव करी कश्मीर दे पर्यावरण तंत्र उप्पर असर पवा रदा ऐ।
- साम्बा जिले च पाकिस्तानी ड्रोन दी घुसपैठ मगरा सुरक्षाबलें जिले च तपाशी अभियान चलाया।
- जम्मू खिते च इस बरे दी पैहली लोक अदालत दा सरिस्ता कीता गया।
- मौसम विभाग नै जम्मू-कश्मीर च 20 मार्च तगर मौसम च बड़डे बदलाव दी पेशनगोई कीती ऐ। मैदानी इलाकें च हलकी बरखा ते उच्चियें धारें उप्पर बर्फबारी दी मेद।

<><><><><><>

Cold Water Conf. (2 Bytes)

मच्छी पालन मैहकमे दे केन्द्री मंत्री राजीव रंजन सिंह ते लैफ्टिनेंट गवर्नर मनोज सिन्हा होरें ठंडे पानी आले मच्छी पालन खेतर बारे लोआए गेदे राष्ट्री सम्मेलन दे दरान अज्ज श्रीनगर दे SKICC च आयोजित नमैश दा दौरा लाया। मुखमंत्री उमर अब्दुल्ला ते मच्छी पालन मैहकमे दे केन्द्री राज्यमंत्री प्रोफैसर एस.पी. सिंह बाघेल बी इस मौके पर उत्थे मजूद हे। अपने दौरें दरान केन्द्री मंत्री होरें प्रदर्शनी च हिस्सा लै'करदे उद्यमियें ते साईंसदानें कन्नै गल्लबात कीती। सम्मेलन गी सम्बोधित करदे होई केन्द्री मंत्री राजीव रंजन सिंह होरें मजबूत नीतियें ते ढांचागत मदाद दे राहें जम्मू-कश्मीर च मच्छी पालन खेतर गी तगड़ा बनाने दी भारत सरकार दी मजबूत वचनबद्धता गी फही पक्का कीता। उ'नें आखेआ

तांआई अपने सम्बोधन च एल.जी मनोज सिन्हा होरें इस सम्मेलन दे आयोजन लेई श्रीनगर गी चुनने गितें केन्द्री मंत्री हुंदा धन्नवाद कीता। उ'नें आखेआ जे एह पैहलकदमी मच्छी पालन दे खेतर लेई बड़ी कारी दी साबत होग। उ'नें आखेआ

<><><><><><>

CM Conf. (Byte)

मुखमंत्री उमर अब्दुल्ला होरें जम्मू-कश्मीर च कुदरती संसाधनं दी राक्खी-हिफाजत करदे होई ठंडे पानी आले मच्छी-पालन खेतर गी तगड़ा बनाने लेई साईंसी शोध- आधुनिक तकनीकें ते टिकाऊ तौर-तरीकें गी अपनाने दी जरूरतें पर जोर पाया। श्रीनगर दे शेर-कश्मीर अंतराष्ट्री कन्वेंशन सेंटर च ठंडे पानी आले मच्छी पालन खेतर बारे लोआए गेदे राष्ट्री स्तरें दे सम्मेलन गी सम्बोधित करदे होई मुखमंत्री होरें आखेआ जे युनिवर्सिटियें ते शोध संस्थानें गी ऐसी नमीं तकनीकां विकसित करने च मती महत्वपूर्ण भूमिका निभानी लोइचदी ऐ- जेहड़ियां इस खेतर दे विस्तार ते एदे च नमीं जान भरने च मददगार होन। उ'नें आखेआ जे सरकार गी इस गल्लै गी जकीनी बनाना लोइचदा ऐ जे मच्छी पालन खेतर दा टिकाऊ विकास होऐ तांजे पानी आले मच्छी पालन तंत्र दा संरक्षण बरोबर होंदा रवै। उ'नें आखेआ

<><><><><><>

Drone Movement

बन्ने आले जिले साम्बा च इक पाकिस्तानी ड्रोन दे बन्ना टप्पिये भारती इलाके च घुसपैठ करने दी घटना दे मगरा सुरक्षाबलें जिले दे केंई अगेत्रे ग्राएं च अज्ज बड्डे स्तरें पर तपाशी अभियान चलाया। आकाशवाणी दे जम्मू संवाददाता दी रिपोर्ट मूजब- जंदी रातीं साम्बा जिले दे रामगढ़ सैक्टर च कंदराल- अबलाल ते बहादुरपुर ग्राएं च किश मिन्टें लेई पाकिस्तानी ड्रोन दी नक्लो-हरकत दिक्खी गई। एहदे तुरत मगरा सुरक्षाबलें पूरे इलाके च निगरानी बधाई दिती ते लौऽ होंदे गै बड्डे स्तरें पर तपाशी अभियान रम्भी दिता गया- तांजे इस गल्लै गी पक्का कीता जा- जे कुतै दुश्मन देश दे ड्रोन नै भारती इलाके च कोई थेहार जां नशीले पदार्थ ते नैई सुटटे दे- ते जेकर ऐसा ऐ तां उंदा पता लाइयै उंनेंगी अपने कब्जे हेठ लैता जाई सकै।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ औंदी 16 मार्च गी “राश्ट्री टीकाकरण दिवस-2026” दे मौके पर 25एं मिंटें दा इक विशेष कार्यक्रम प्रसारित कीता जाहग- जेहदा विशे होग “ टीकाकरण जागरुकता राएं सार्वजनिक सेहत गी निग्गर बनाना”। इस विशेष कार्यक्रम दा प्रसारण दपैहरी 12 बजे कीता जाहग ते एहदे च स्हाड़े परौहने होडन- जम्मू-कश्मीर सरकारै दे सेहत विभाग दे राज्य टीकाकरण अधिकारी डॉक्टर शाहिद हुसैन- जेहड़े इस चर्चा राएं अपने माहिराना बचार सांझे करडन। इस कार्यक्रम दी मेजबानी मेरे यानि विजय बजाज आसेया कीती जाहग।

<><><><><><>

National Lok Adalat (Byte)

जम्मू खिते च अज्ज इस बरे दी पैहली लोक-अदालत दा आयोजन कीता गया। जम्मू खिते दे जम्मू- उधमपुर- पुंछ- राजौरी ते होर दुए जिलें च एहदा आयोजन कीता गेदा हा। राजौरी च लोक-अदालत दौरान 900 शा बद्ध मामलें दा निपटारा कीता गया- जदके पुंछ जिले दी त्रौने तहसीलें च एहदा आयोजन कीता गया। उधमपुर अदालत परिसर च 4 बेंच लाये गे ते रामनगर-चनैनी ते मझालटा दी सिविल अदालतें च 3 बेंचा लगियां। उधमपुर दी District Legal Service Authority Secretary Sumati Sharma होरें दस्सेया.....(बाईट)

<><><><><><>

Job Fair (Byte)

साम्बा जिले दे रामगढ़ कम्युनिटी हॉल च जिला रोजगार ते परामर्श केन्द्र साम्बा आसेया इक जॉब फेयर दा आयोजन कीता गया- जेहदा मकसद साम्बा दे नौजवानें गी रोजगार दे मौके मुहेइया कराना हा। एहदा उदघाटन रामगढ़ दे MLA डाक्टर देवन्द्र कुमार मनयाल होरें कीता। एहदे च 24 कम्पनियें बक्ख-बक्ख क्षेत्रें च 600 थमां मते रोजागर दे मौके पेश कीते। एहदे बारे गल्ल करदे होई MLA Ramgarh देवन्द्र कुमार मनयाल होरें गलाया.....(बाईट)

<><><><><><>

Exhibition (2-Byte)

जम्मू तवी उत्सव दौरान अमर महल अजैयबघर ते कताबघर आसेया कला केन्द्र जम्मू च नमैयश ते कला सरबंधी कैम्प दा आयोजन कीता गेआ। एहदा उदघाटन सीनियर लीडर Dr. Karan Singh होरें कीता। प्रदर्शनी च बक्ख-बक्ख कलाकारें आसेआ बनाई गेदियें कलाकृतियें ते तस्वीरें दी नमैयश लाई गेई- जेड़ी समाजिक ते अजोके समें दी झलक पेश करा'रदियां हियां। ऑपरेशन सिंदूर ते खित्ते च होये दे हाड़ दे असर गी दर्शान्दी किश तस्वीरां उस समें दे लोके दे संघर्ष दी मनांस गी लंगने आहलियां झलकियां पेश करा' रदियां हियां। इस प्रदर्शनी गी बक्ख-बक्ख कला प्रेमियें- कलाकारें ते लोके दिक्खेया ते सराहया। आकाशवाणी जम्मू कन्नै गल्ल करदे होई Dr. Karan Singh होरें गलाया.....(बाईट)

तोंआई इस नुमैयश बारे गल्ल करदे होई इक प्रतिभागी नै दस्सेया.....(बाईट)

<><><><><><>

Weather

मौसम विभाग नै आखेआ ऐ जे जम्मू-कश्मीर च ओंटी 20 मार्च धोड़ी मौसम दी स्थिति च मता उतार-चढ़ाव दिक्खने गी लब्बग। इस अवधि दरान पदरे इलाके च रूकी-रूकियै बरखा ते उच्चिणं धारें प बर्फबारी होग। स्हाड़े संवाददाता नै जानकारी दिती ऐ जे अज्ज ते कल बी मौसम आमतौरा पर खुशक रौहग पर कल संझालै अंधी-झक्खड़ झुलने ते एहदे मगरा कल रातीं ते 16 मार्च गी बड़लै किश थाहें पर हल्की थमां दरम्याने दर्जे दी बरखा बरने ते बर्फबारी होने दे असार न। एहदे परेंत ओंटी 17 थमां 20 मार्च धोड़ी मौसम बदलोखड़ा बने दा रौहग ते इस दरान बरखा यां बर्फबारी दे असार बने दे रौहडन।

<><><><><><>